

## Господьым Вашлийме лүмеш пайрем

Ачан, Эргын, Святой Шүлышын лүмеш.

Таче латкок кугу пайрем кокла гыч иктыже – Господьым Вашлийме кече. Тиде кечын ме шонго Симеонын да ончык ужын каласыше Аннан храм воктене Господь дене вашлиймыштым шарнена. Но тиде кече садак Юмын Аван пайремжылан шотлалтеш. Икымше эрге азам иудей-влак шке йўлашт почеш 40 кече эртымеке Господьлан святитлаш Иерусалим храмыш конденыт. Тиде йўлам шукташ кажне еш могай-гынат надырым пуэн. Поянракышт ўшкыжым але тагам конденыт гын, нужнашт көгерчен дене серлагеныт. Закон кўштымым шукташ манын, Яндар Ёдыр Мария надырлан мом кертмыжым, кок көгөрченым, пуэн да Шке Эргыжым Юмылан святитлен.

Тошто Сугынь годсо курымлаште, Христос шочмо деч кумшүдө ий наре ончыч, Библийым еврей йылме гыч грек йылмыш кусареныт. Тидым 70 кусарыше шуктен, нунын коклаште чын илыше Симеонат лийын. «Теве Яндар Ёдыр нелемеш да Эргым ышта» манын, пророк Исаиан каласыме мутшым лудмеке, Симеон öрын да кокытеланен колтен. Öрыктарыше мутым тудо пўчкын лукнеже улмаш, но Юмын куатше тудым чарен да шижтарен: «Мо лийшашлан тый ўшанен отыл, ынде тидын шукталтмыжым ужмешкет от коло».

Тугеже Симеонлан чот шуко ий лийын, да тудо иленжат, вученжат ноен. Иерусалим храмыш Яндар Ёдыр Мариан толмыжым тудлан Святой Шүлыш шижтарен. Святой Ешым вашлияш лектын, тудо молитвашке савырныше мутым каласен: «Ынде Господь, шомакетым шуктен, шке тарзетым тыныслык дене колтет: мыйын шинчам Тыйын пуымо утарымышым ужо» (Лк.2:29-30). Тиде Азалан верчын ончыкыжым мо лийшаш нерген Юмын Авалан тыге каласен: «Теве Тудлан көра Израильыште шуко ен камвочшаш да шуко ен кынелшаш. Тудо ўчашымашлан амал лиеш. Тыге шукуштын шүмеш шылтыме шонымашышт почылтеш. Тыйынат чонет вошт керде эрта» (Лк.2:34-35). Утарыше Христосын мландымбалне илымыж годымат, Тудын

Ылыж кыселмекыжат нине мут тўрыснек шукталтыныт. Тудо ўчашымашлан амал лийын: иктышт Тудлан ўшаненыт да пеленже кыселыныт, весышт Тудын деч корангыныт да камвозыныт. Тиде камвочмаш ден кыселмаш таче мартеат каен шога, да Симеонын каласымыжат ожнысо семынак шукталтеш. Өрат веле: тўняшке Юмо толын, Айдеме лийын, ۆрыктарыше пашам шуко ыштен, колымаш гыч ылыж кыселын, тугай Черкым негызлен, кудым тамыкын капкажат сенген ок керт. Но Утарыше Христослан, Тудын Ылыж кыселмыжлан шуко ен кызытат ок ўшане. Черке илышыште Святой Шўлышын куатше шукталтмым ынешт умыло, туныктен каласымым шўмышкышт огыт пыште.

Шукушт, шке пиалешышт, Утарышын мутшылан ўшаненыт веле огыл, Тудын дене пырля чынжымак ылыж кыселыныт. Яндар Ёдыр Мария деч Шочшо Йоча чынжымак Юмын Эрге да тўням Утарыше манын, шкеат ўшаненыт да, чытен керташ лийдыме орлык гоч эртен, тиде ўшанымашым пенгыдемденыт. Черкым негызлыме пагытыштат, моло жапыштат тидым ышташ неле лийын, кызытат неле. Но тидын гоч ме Христос дене пырля нўлталтына да Юмын Кугыжанысе курымаш илышлан ылыж кыселына.

Молан ме тиде кечым Юмын Ава лўмеш пайремлан шотлена? «Шукуштын шўмеш шылтыме шонымашышт почылтшаш верч Тыйынат чонет вошт керде эрта» манын каласыме мут гыч ме умылена: Яндар Ёдыр Мария мемнан верч йодын шога да кумалеш. Шке Эргыжын орланен колымыжым ончен шогымыж годым Тудын чонжо вошт керде эртен. Ыресеш пудалыме Утарышын капше корштымо семынак тунам Аван шўмжў корштен. Тиде корштымым чытыме гоч Тудо шуко енын шўмеш шылтыме шонымаштым умылаш тунемын.

Тудо тачат кажне еным колеш, а кў уло шўм-чон дене Тудлан ўшана да ўшан дене Тудым сўрвала, тудлан полша. Тудо мемнан илышнам, шонымашнам да мо мыланна кўлеш, а мо ок кўл, чыла пала. Ырес воктенысе чон корштымаш гоч Тудын чылажымат раш ужмашыже почылтын. Тудо уло тўням да Черкым ужеш, сандене ме Тудым Юмын Ава, тыгак чыла ўшаныше-влакын да Черкын Аваже манына. Таче ме Тудын нерген, Тудын подвигыше да

ўшанымашыже, Тудын ўнғышылыкшө да йөратымашыже, тыгак мемнан шонымашнам палымыже нерген ойлена.

Черкын моло пайремже коклаште Господьым Вашлийме кече поснак ойыртемалтеш, вет тудым пеш шукертак пайремлаш тўнгалыныт. Тидын нерген IV курымышто илыше кугу святитель-влакын туныктен ойлымышт аралалтын. Господьым Вашлийме кече нерген Мефодий Патарский, Кирилл Иерусалимский, Григорий Богослов, Григорий Нисский, Иоанн Златоуст каласен коденыт. А VI курым годсек тиде кечым поснак пагален пайремлат. Тунам Антиохийыште мланде чытырналтмаш лийын, Византийысе кундемыште мор чер шарлен, кажне кечын тўжем дене ең колен. Император Юстиниан кўштен каласен: «Господьым да Юмым Шочыктышо Эн Святой Авам Вашлийме кечын ырес дене кошташ!» Кугу Крестный ход деч вара мор чер, чынжымак, чарнен. Тидыже адак шонго Симеонын каласымыжым пенгыдемда: «Тыге шукаштын шўмеш шылтыме шонымашышт почылтеш». Шуко енын чон корштымыжо, орланымыже почылтмо да пареммыже дене тиде пайрем черке историйыштат пенгыдын негызлалт кодын. Тидым шарнен, меат шкенаң нерген шоналтышаш улына. Меже кушто улына? Христос пелен кынелше-влак коклаште але Тудын нерген ўчашыше-влак коклаште? Тыгай кугу орлык гоч эртыше Юмын Ава мемнан ойгынам да чон корштымынам ужын кертеш да мыланна полша манын, ме чынак ўшанена мо? Господьым Вашлийме кече нерген да Юмын Аван подвигыше нерген шарнымашна священный лийже, вет тидлан көра Тудо мемнан верч Йодын шогышо да Кумалше лийын. Аминь.

2011 ий, 15 февраль.

Утарыше Христос лўмеш Москва олесе Кафедральный соборный храм.